

Восточн-Сибирск төмр хаалгъиз электрифицировать келгън

ИРКУТСК. (ТАСС). Иркутскас авн Черемхово кўртл гилтә төмр хаалгъин ут-туршарт электричествин болд болн төмр-бетонн харулс дүү-джлätä бәәнә, хаалгъин хаджугъар электрическ линий тәвлгәнә тулгуд кех, худг мет нүкд харлдж үзгднә, станцс болгънд кирпичәр кесн шин гермүд бәәнә.

Восточн-Сибирск төмр хаалгъин дарани участкд электрификац келгънд тосхлтин-монтажн 14 организацс орлцджана. Тавн подстанц тосхлгънъ дуусгдәд, монтажд өггдчкв. Электролинийин тулгуд Половино гидг станц кўртл тәвгддж (одв. Тер тулгулт суньгъг өлглгън кегдджәнә. Төмр хаалгъиг электрификац келгън, хаалгъар поездс олар

йовлгъиг зогсалго, джанъгърта бәәдлд кегдджәнә. Тосхлтин кōдлмш поездс ирх—давдж гарсна хоорндк цагла кегднә.

Иркутск-Черемхово хоорндк участкиг электрофицировать кегъächр эн кōдлмшән цугтнь тосхачнрин Одр—августин 10 кўртл дууслж, хаалгъин дарук—Черемхово-Зима хоорндк участкур кōдлмшт гархар гүджрджәнә. Тер участкднъ ода белдврин кōдлмш кегдджәнә. Тер хоорнд тяговой 6 подстанц тосххар темдглдджәнә. Жаргон гидг станц деер бәргдх герин улнь ода чолугъар тәвгдджәнә. Забигуй гидг станц деер герин сүүрин нүкнъ малтгдджана. Герин сүүрнъ, нургълдж төмр-бетогъар кегдхмн.